

درسعادته یکی پوسته‌خانه قارشوسنده
دائرة مخصوصه در محل اراره:

مراط قلم

انظار:

مسلكمزه موافق آثار جديده مع المنونيه قبول اولنور
درج ايديلمين آثار اعاده اولنور

دين، فلسفه، ادبيات، حقوق و علوم دن باحث هفته لق رساله در

مؤسسلری: ابوالعلا زين العابدين - ح. اشرف اديب

تاريخ تأسيسی:

۱۱ نموز ۳۲۴

درسعادته نسخه سی ۵۰ پاره در

قيريله دن مقوا بورو ايله کوندريليرسه سنوی
۲۰ غروش فضله آلنير.

درسعادته پوسته ايله کوندريليرسه ولايات بدلی اخذ اولنور.

سنه لکی الق ایلغی

۳۵ ۶۵

۵۰ ۹۰

۵۵ ۱۰۰ غروشدر.

درسعادته

ولایاتده

ممالک اجنبیهده

عدد: ۱۱

۳۲۶ شوال ۱۰ پنجشنبه ۲۳ تشرین اول ۳۲۴

رنجی سنه

بر آن اول شوامتياز اسارتندن قور تلمق اسبابی اعداد و تهیته حصر ایللی
او قلملر که شیمی به قدر ذاتاً هپ بو یولده مجادله لره وقف وجود
ایتمش و معزز سوکیلی وطنک ظلمات یأس ایله محاط اولان افقرینک
انوار حریتله مستنیر اولسنه کیجه وکوندوز چالشمشدر .

ماردینی زاره : ابراهیم

سعی و عملک نظر اسلامده کی موقعی

دنیا دینلن بو جدلکه معیشتده تأمین موجودیت ایچون اوغراشان
جمعیات بشریه نك حالته انعطاف ایدن الك اوافق بر نظر عیاناً کوسترکه
هانکی جمعیت عطالتدن متنفر ، سعی واجتهاده مائل افراددن ترکب
ایتمش ایسه بتون ملتلیری کریده براقه رق غایه مجد و شرفی ادراک
ایدن او اولور . شو حالده سعی و عمل افراد انسانیه یی مدینه ایصال
ایده جک ، بتون اقوامک حیاتی ، استقلالنی کافل اوله جق اساسلرک
اک مهمی صورتنده تلقی اولمق ضروریدر .

حتی علوم اجتماعیه اربابی ، نظر لرنده سعی و عملک موقعی بو قدر
یوکسک اولدینی ایچون ، ادیانی ، انسانلری عطالته سوق ایدر ،
حضیض مسکنه دوشورر ظنیله ، مؤاخذه بولنیورلر .

بز بومقاله مزده اولو اسلامیتی شو بیوک تهمتدن تنزیه ایده جکز ؛
ثانیاً انسانلری عطالتدن تخلص ایله سعی واجتهاده تشویق ایچون
اونک قدر قوی بر مؤثر اوله میه جغنی دلائلیله کوستره جکز .

اوت ، اسلامیت حیات باقیه ایچون چالشمه یه نه قدر سوق ایدیورسه
عین تشویق حیات فانیه حقنده دروغ ایتیمور : جناب پیغمبر «دنیا ایچون
هیچ اولیه جکمش کبی ، آخرت ایچون ده یارین اوله جکمش کبی
چالیشک .» دیور . دیگر بر حدیثنده بزی « دین ایله دنیایی برلکده
اصلاحه دعوت » ایدیور . شوایی حدیث بده « کورستریورکه
دنیایی اعمار ایتک رضای الهییه مخالفدر وهم باطلیه سعی و عمله وداع
ایدرک عبادت نامنه وجودی ریاضت آلتده ازمک ، مفکره یی عطالته
محکوم براقق شرعاً مردوددر . بوکبی حرکاتک مشروعتنه ذاهب
اولانلر بیلنیورلر که دنیا بر میدان هیجادر ؛ بوراده صالدران الری
قوللری باغلی طورانه دائماً غلبه چالار ؛ غالب مغلوبی کندینه اسیر
ایدر . بتون حقوق حیاتیه سندن محروم براقیر ؛ قانون طبیعت امور
دنیایی اهمال ایدنلری عاقبت محو ایدر . آرتق اونلرک شو موهوم
عبادتلری وبال ، کوشه مسکین انزواده بسلدکاری آمال ایسه بتون
پایمال اولور . بو بر امر بدیهیدر که دینی یا کیش اکلایه رق دنیایه
عائد مصالحی استحقاقنده افراطه واران ، حاجات حیاتی استحقاق
خصوصنده تقریبه دوشن ملتیک تاریخنی کوستروب طورییور .

لکن دیانت اسلامیه که ادوار اخیره انسانیت ایچون نازل اولمش
بردیندر ؛ طاش قوغولرنده یاشایان اقوام ابتدائیه نك قلوب قاسیه سنی
تلینیه مدار اوله جق بر طاقم عباداتی تشریع ایتمه مشدر . بلکه قوانین
حیاته موافق کلن ، شان بشریه ، اعلا ایدن ، روحی تمایلات نفسانیه دن

آزاده بولندیران نه قدر حرکات وارسه جله سنی خالصاً لوجه الله ادا
ایدمش برر عبادت صورتنده تلقی ایتمشدر ؛ بر شرط ایله که اوحرکاتی
ایفاده کی مقصد رحانی اولسون شیطانی اولسون .

افرادک ، عائله لرک ، جمیتلرک ، الحاصل بتون انسانیتک اک مبرم
حوالجنی تأمین خصوصنده بوقدر تأثیری اولان اکتساب ثروت
ومال انسانی جناب حقک شو نوع مکرم ایچون تعیین ایلدیکی غایه
کاله ایصال ایچون اک باشلی بر قوت دکلیدر ؛ ایشته اسلامیت بونی
افضل عبادات اولمق اوزره طائمشدر :

جناب پیغمبر « افضل اعمال اکتساب حلالدر . عیانی مال حلال
ایله انفاق ایچون اوغراشانلر فی سبیل الله جهاد ایدنلر کییدر . عفاف
نفس ایچنده طالب دنیا اولانلر شهدا درجه سنده در .» بیوریور .

هم ظن ایتیک که اسلامیت بزی سعی واکتسابه ترغیب ایله اکتفا
ایدیور ؛ باقک اونو اوزریمزه فرض قیلیور ترک ایدنلری واجبات
دینییه دن برینی ترک ایتمش کبی مؤاخذه بولنیور : « طلب حلال
هر بر مسلم اوزرینه فرضدر . حدیث »

بیلیریسکز ثروتک نظر اسلامده کی موقعی نه در ؟ . حیات امتک اک بیوک
رکفی ، ترقی ماتک اک قوی مداریدر . « اتم اوله بر زمان کوره جک که
هم دینی هم دنیاسنی تأمین ایچون انسان پاره یه محتاج اوله جق . حدیث »
نه حاجت ؛ اصحاب کرام آره سنده حضرت عثمان کبی ثروتیه بر حربی اداره
ایده جک اغنیا واردی . ناموسکارانه قازانمش مال حقنده « بر مرد صالح
ایچون مال صالح نه ائی برشیدر ! » کبی مدایج نبویه میدانده ایکن
اسلامیت اکتساب ثروته مانعدر دینه بیلیری ؛ خصوصیه جناب پیغمبرک
بزه ، کله جکنی اون اوچ عصر اول خبر و بریدیکی بویه بر زمانده ...

اوت بز اوله بر دورده یز که دینیزک سعی واجتهاد حقنده کی
اوامرینی تکرار تکرار سوبله مک اوزریمزه فرضدر بز بوفریضه یی ادا
ایتمزه ک نفوسی بغلایان زنجیر عطالتی قیره مایز . ناسی ارشاد ادعاسنده
بولنلرک تلقین ایلدکاری ظنون باطله یی ذهنلردن چیقارمه مایز . خلق
ارشادات دینه ، نامنه کندیلیری چالیشوب قازانمقن تنفیر ایدن ، فقر
واجتیا ایچنده یاشامه یی حیات مسعودانه صورتنده کوسترن مسکینه
سوزلردن بشقه برشی طویور . الهی سورسه کز سوبلیک : بوکبی
سوزلرک ، قلوبی اک موافق علاج ایله مداوات ایتک صورتنده خلاصه
ایدیله بیلن ، حکمت نبویه ایله امکان تألیفی وارمیدر ؟

علمک او معظم نامنه یمین ایدرم که جناب پیغمبر ناسه - بوکون
علما آره سنه صوقولان بعض جهلانک یا بدینی قدر دکل ، اونک یوزده
بری قدر اولسون - ثروتی ، سعی وعلی استحقار ایله امر ایتمش اوله ییدی
اصحاب اره سنده اغنیا شوبله طورسون ، حبه مالک اولان بیله بولمازدی
زیرا اصحاب کرام قدر اوامر نبویه مطیع کیسه تصور ایدیله من .
بونکله برابر کورویورز که امر بستیون برعکسدر . ایشته قرآن کریمده
سعی و عمله تشویق بولنده کی اوامر الهی ، ایشته سن نبویه ؛ عجبا عصر
حاضر مدینته یازیلان اجتماعی اثرلر بونلر قدر سعه ترغیب ایده بیلیری ؛
قرآن (ولاتنس نصیبک من الدنیا) (فانتشرو فی الارض وابتغوا

دیورکه: حیاتک ثابت، لایتغیر برطاقم قواعدی، معین برطاقم قوانینی وارد. او قوانینه مخالفتده بولنانلر فرمان الہی بہ قارشی کلش اولورلر؛ مقتضاسنجہ حرکت ایدنلر ایسہ احراز امل ایدرلر. رزق ایله کسبده او قوانین ثابتہ نیک تحت حکمنده در. بناءً علیہ او قوانینی رہبر اتخاذا ایدنلر مرزوق اولورلر مخالفتده بولنانلر محروم قالرلر. ایشتہ قوانین کسبک ایشلوجہ لرندن بری ده ارکندن ایسہ باشلاہرق طاقت مساعد اولدینی قدر چالیشمقدہر «چالیشان بولور. ہر مجتہدک بر نصیبی وارد. صباح اویقوسی مانع رزقدر. حدیث»

حضرت عمرکہ اوامریہ امثال واجب الان اعظم صحابہ دندر، بایکیز نہ دیور: «ہیج بریکز تحوی رزقندن کری طورہرق یاربی بی مرزوق ایت دییکز. زیرا بیلیرسکیز کہ کوکدن نہ آتون یاغار نہ کوموش! نہ حاجت! اکتساب مال حالہ سی واجتہاد خصوصندہ بتون معارضلری سکت والزام ایچون جناب پیغمبرک شو حدیث شریفلری ایراد ایتہ مزکافیدر: «چالیشکیز برا چالیشمق اوزریکزه فرضدر» بویله اولدینی کی حضرت پیغمبر طرفندن، کال شدی (کادالقران یکن کفرأ) صورتندہ تصویر بیوریلان بلای ضرورتدن قورتوماق، ابنای جنسنہ بار اولمقدن نفسی صیانت ایتک ایچون وطنلرندہ قازاندہ. مایانلرک دیار آخرہ ہجرت ایتلری ده دینا پک ممدوح برحرکتدر. اوت، اسلامیت شدائد سیروسفری اتمام ایدرک، طاغری آشہرق، دکزلری کچہرک استخلاص نصیب ایتہیہ بتون مسلمانلری تشویق ایتک دہدر. «قازاعندن عاجز قالانلر مصرہ کیتسونلر. بحارندہ صعوبت چکنلر عمانہ سفر ایتسونلر. سیروسفر ایدیکنز ہم اکتساب صحت وعافیت ایدر ہم دہ قازانیرسکیز. حدیث»

ایشتہ اصحاب کرام ہپ بویولی طوتمشدری. امام احمد دیورکہ: اصحاب کرام برأ، بحرأ تجارت ایدرلر، خورمالقرندہ باغچہ لرندہ چالیشیرلردی. صحابہ وتابعینک تاریخی مطالعہ ایدنلر بتون انسانیت ایچون مدار مفخرت اولہ حق معالی عزم واقدامہ نامتہای مثاللر کورورلر. اوت بر ریکستان بی پایانہ چکیلش حزب قلیل کورورلرکہ فقر واحتیاج خصوصندہ بتون اقوامہ فائق ایکن بردن برہ طاورانمشلر قرآن حکیمک سعی وعملہ ترغیب ایدن آیتی، جناب پیغمبرک دہ بونی مؤید بولسان احادیثی دستور حرکت اتحاد ایتشدرہ سکسان سنہ ایچندہ رومالیرک سکزیوز سنہ ظرفندہ نائل اولہ مدینی واسع بر دائرہ نفوذ وسلطنتہ صاحب اولمشلر. اوت بوقدر واسع مالکی آلمشلر، اہالیسنی دہ اولہ رومالیر کی کونا کون شدتلر، وحشتلر کوسترمک، امور دینیہ لرینہ مداخلہ ایتک صورنیلہ کرہا دکل، بلکہ طوعاً کندیلرینسہ منقاد ایتشلر. اسلامک قرن اولی تاریخی اوقورسہ کز اوقدر خارق العادہ ہمتلر، عزملر کورورسکیز کہ قیاس ایدلیدی صورتندہ عصر حاضرہ کی ارباب مدینتک اقداماتی پک ناچیز برا قہ جق اولان اوفوق البشر مساعی بی ولو بجلا اولسون بورادہ ذکر ایتک استطاعتک خارچندہ در.

مادام کہ اوزمانلر حال بویله ایدی یا بوکون اوشہامات قلبیہ، اہمیت اسلامیه نرہہ کیتدی؟ اسلافک حتی قادیانلرندہ کورلدیکی متواتر اولان

من فضل الله) بیوریور. حضرت پیغمبر (دنیا نہ کوزل مطیہ در اوکا راکب اولک کہ سزی آخرتہ یتشدرسون. - ایچکزدن خیرلیسی دنیاسنی آخرتہ یاخود آخرتی دنیاسنہ فدا ایدن دکلدر، بلکہ ہر ایکسی ایچوندہ چالیشاندر. - مال حلال طلبندہ بولنق جہاددر. (دیور. جناب پیغمبر بر کون اصحابیلہ اوطورورکن باقشلرکہ برکنج باباییکت ارکندن قالقمش چالیشیور. اصحاب کرام، نہ اولوردی شو دلیقانلینک مساعیسی اللہ یولندہ اولسہیدی. دیمشلر. جناب پیغمبر (بوسوزی سویلہ مہیک. اگر بوکنج آخرہ عرض احتیاج ذلتندن وارستہ قالمق ایچون چالیشیورسہ اللہ یولندہ چالیشیور دیمکدر، سعی وعملدن قالمش ابونی ایچون چالیشہرق اونلری اتفاق ایدیورسہ نہ اللہ ایچون چالیشیور دیمکدر، یوق، اکتساب ثروت ایدرک اوتہ کتہہ بریکتہ قورولمق ایچون اوغراشیورسہ فی سبیل الشیطان چالیشیور دیمکدر. «بیورمشلر.

شو حدیث شریفدن غایت جلی بر صورتدہ ا کلاشیلیورکہ ثروت قازانق قازانان آدمک نیتہ باغلیدر. اگر نیتی خیر ایسہ مأجور اولور، نامشروع عملہ صرف ایتک ایسہ مشروع صورتدہ قازاندینی تقدیردہ بیلہ حقیقتندہ مال دکل، وبال قازانمش اولور. (عباد اللہ عظمیت صائمق ایچون ثروت ایستہینلر غضب الہی بہ گرفتار اولورلر، نفسی ذلت تسئلدن ضرورتدن صیانت مقصدیلہ مال طلبندہ بولنانلرک یوزی فردای قیامتدہ مہتاب کی نورانی اولور. حدیث)

بعض مخالفین «رزق ازلدہ تقسیم ایدلمشدر، بناءً علیہ چالشمہ نیک ذرہ قدر فائدہ سی یوقدر. «سوزیلہ استشہاد ایدیورلر. دکل؟ بزبوکا الاول ایمان ایدنلردن. شو وارکہ بزم نہ علم الہینک کتہنی تدقیقہ جرأتمز، ندہ عالم غیبی تحقیقہ قدرتمز یوقدر. اونک ایچون بالفرض ہم شو سمیک علم سابق الہیدن طولانی پامال حرمان اولہ جغنی نردن بیلیم! او حالہ برسوہ تفہم نتیجہ سی اولہرق بنی چالیشمقدن منع ایدہ جک منہاج سدadden چوپرہ جک بوکی افکارہ ندہن قایلہیم؟ خایر خایر! تدقیق اولنورسہ عیاناً کورولورکہ دیانت بیضای اسلامیه حیاتک مشہود ومحسوس اولان برطاقم قوانین ثابتہ سنی تشریع ایتشدر. رزقک جناب حق طرفندن انسانلر ارہ سندہ سعی ایلہ متناسب اولمق اوزرہ تقسیم ایدلمش بولنسی، کیمک امکی چوق ایسہ نصیبی دہ چوق، کیمک امکی آز ایسہ نصیبی دہ اونسبتدہ آز اولسی مقررات اسلامیه دندر. ایشتہ سزہ بر دستور حکمت کہ دنیا دنیان ہیجای معیشتدہ ہر کسک اتمام ایدہ جکی شدائد نسبتندہ نائل مرام اولہ جغنہ اطمینان حاصل ایدرک چالیشمسی ایچون بوندن بیوک سائق اولہ ماز: «جناب حق قولنہ ہمتی وحرص وطلبی نسبتندہ ویرر. حدیث»

ہر ایشدہ اقدام و ہمتک وسیلہ فوز ونجاح اولہ جغنی، دون ہمتک، مسکنت ایسہ فقر وحرماندن بشقہ نتیجہ ویرمہ جکنی اسلامیت اک واضح بر لسان ایلہ اکلا دیور: «جسور تاجر مرزوق، قورقاق تاجر محروم اولور. حدیث»

اسلامیت احکام جلیلہ سنہ اتباع ایدنلرہ بلند بر صدا ایلہ ندا ایدرک

مكارم اخلاقدن، فضائل همتدن بيله بزي قاصر براقان بو عجز و مسكنت نره دن كلدي ؟

اسلاميتك دوشمش اولديني ذات و مسكنت الويرميورمش كي كسوة ارشاده بورون بر طاقم جهلاده قاقشمشدرده . بو حال مسلمانلغه بك موافقندر چونكه مسلمانلر آخرت آدميدرلر دنيا اونلره كر كنز ديورلر خاير ، بيك كره خاير! جناب حق (و قيل للذين اتقوا ماذا انزل ربكم قالوا خيراً للذين احسنوا في هذه الدنيا حسنة ولدار الآخرة خير ولنعم دار المتقين . ربنا آتينا في الدنيا حسنة وفي الآخرة حسنة وقمنا عذاب النار) بيوربيور . ايشته بوسوزلر اللهك سوزيدر . بك اعلا (ومن اصدق من الله حديثاً) .

آرتق مسلمانلر دينلرينه ايتدكلري جنسايتلر الويردي . دينه نظر عتل ورويت الله بانسونلرده اكلاسونلر كه بر چوقلري دينك مقتضا . سنجه حركت ايتديكني توهمله برابر صرف كندي هوسيات وافكار باطله سي پشنده قوشيور ! اسلاميته عن جهل روا كوردكلري ظلم الله عالم مدنيتده كي حكمايي بو دين مينيك جلال احكامني تدقيقدن منع ايتسونلر . هم بيلسونلر كه بك ياقين اولان بر آني كله جك ، مسلماناق اوروپاده عصر مسعود رسالتيناهيدكي رونقني آگيرر بر رونقله ظاهر اوله جتمدر . (سنريهم آيانا في الآفاق وفي انفسهم حتى يتبين لهم الحق . انه كان وعده مفعولاً) .

معدري

==

صدق نبوت محمدية نك تاريخاً ثبوتی

— مابعد —

او رسول امي قرشي فيل سنه سي ربيع الاولك اون ايكنجي كيجه سي (۲۰ نيسان سنه ۵۷۱) مكه مكرمه ده يتيم اوله رق شرف بخش عالم وجود اولدي . هنوز رحم مادرده ايكن پدر بزر كواري عبدالله وفات ايدرك متاع دنيا نامنه بش دوه ايله برقچ قيون وبر جاريه دن عبارت — وبر روايته نظراً بوندن ده آز — بر ميراث براقشدي . سن عايسي آلتني وارنجه والده آمنة بنت وهب (بن عبدمناف بن زهرة بن كلاب) دخي وفات ايدرك امر اتفاق واعاشه سي جد عالي سي عبدالمطلب در عهده ايتدي . ايكي سنه صكره عبدالمطلب دخي وفات ايدنجه معيشته تكفل خدمت مجله سي عمي ابو طالبه انتقال ايلدي . ابو طالب شهامت و كرم له موصوف مزيات عاليه اصحابندن بر ذات ايتدي . لكن فقر و ضرورتني كندني عائله سنك بيله اداره سنه کوچ كفايت ايتديورددي . ذات اقدس رسالتيناهي ايسه (صلى الله عليه وسلم) ظاهر حالده عموجه زاده لرندن و قوم و قبيله سي صياندن فرقسز ايتدي . برفرق ظاهري آرامق لازم ايسه اوده ذات پاك نبوتيناهيلرينك آمادن ده ، ببادن ده محروم بر يتيم اولسي . متاع دنيا دن كنديسي محروم اولديني كي امر اعاشه سي در عهده ايدنلر كه بمرمند اوله مامسي . بشقه سي ايجون نعمت صايلان مربي و مذهب حق ناميله دوش مننده برحق بولنامسي ايتدي . عبادت اوئانه آشمش قومشولر ، شوره زار جاهليتدن يتيشمش رفيقملر ،

اوهامه تابع نكه بانلر ، خدمت اصنام ايله مفتخر اقارب آره سنده بولنديني حالده عتل و كياستي ، ادب و فضيقتي ، اخلاق مرضيه سي ، كالات انسانيه سي كوندن كونه متزايد ، ناصيه سنده تابشنا اولان ستاره فروزان معالي آنا فنا متصاعد اوليوردي . هر حال وشاني خلقة بر مثلي دها يارادلامش بر انسان اكمل ، علم انسانيتي خاكسار مدنندن آسمان معالي به اصعاد شانندن اولان بر كامل بي بدل اولديني ارباب دفته كوستر يورددي . كالات اخلاقيه سي انكار ايدن بولنازددي . هر كس كنديسنده نفوس بشريه نك ادراك ايده ميده جي بر مزيت ، هيچ بر كيمسه نك ايرپشه ميده جي بر علويت اولديني حس ايتديورددي . امين وحي الهی اولمازدن اول قوم و قبيله سنك اميني اولمشدي . مكه سكاني بيننده نه زمان بر اختلاف ظهور ايتسه « محمد الامين » ك (صلى الله عليه وسلم) سوزي فيصل صادق عدالت ، نص قاطع حقيقت ديه تلق اولنورددي . بر يتيمك ، باخسوس فقير برعائله نك معاونتيله كچير بر يتيمك كنديدكندن بومرتبه بالا ترين كاله وصولي تأديب الهی ، تربيه سبحاني ايله ركله نه در ؟

بر مكته اولدي كيم مداوم : الله ايتدي ذاته معل

الحاصل فخر عالم (صلى الله عليه وسلم) حضرتلري بتون قوم وعشيرتي ناقص ايكن كامل ، جله سي انسانيتك دركات واپسيننده يووارلانيركن اعلاي عليين كاله واصل ، هيسي اميد نجات ايله صمغر آرقه سنده طولاشيركن موحد حقين ، كافه سي نزاع و اختلافه خواهشكر ايكن مسالمت كزين ، آنلر اوهام و خرافاته مغلوب ايكن صحيح الاعتقاد ، آنلر خير نه در بيلز كن طبعاً مائل خير و داد اوله رق سن كهولتي بولمش ايتدي . بتون خلق حقيقتدن بسبتون غافل ايكن حقيقت بتون كاليه . بتون رونق و جاليه قلب مباركني پناه استقرار اتخاذا ايتمشدي . حالوكه باقلسه آنك كي فقير طوغان يتيم بيوين . امي يتيشن بر كيمسه كنديسي ارشاد ايده جك بر كتاب اولمازسه ، اتقاظ ايده جك بر استاذ بولنازسه ، آكا كوچك ، بيوك هر ايشده معين و ظهير اوله جق بر قوت امداد ايتزسه . بدايت نشاندن زمان كهولته قدر اطرافنده وباخصوص اقارب و اقارندن نه كورورسه نفسي آكاميل ايتمك ، نه ايشيديرسه عقل و فكري آنكله متأثر اولمق طبيعي دكليدر ؟ بو حال خارق عاسي بر نفس رحمانيك محصول تأييد و تربيه سي اولمسه ايتدي هيچ اولمازسه — ينه او دورده يتيشن « اعتقاد حقيقي » اصحابندن برقچ كشيده اولديني كي — اول بارل قومك عقيدة سي اوزره نشأت ايدر . آنلر كه مذهب باطلنه سلوك ايلرده عقلي مرتبه كاله واروب اجاله فكر و نظره قادر اولدقدن صكره شهراه هدايته كورويكي دليل و برمانه استداد ضلالتدن رجوع ايدر ، امر اعتقادده افراد قومنه متابعتدن فراغت ايلرددي .

لكن بوقاعده طبعيه حق رسالتيناهيلرنه جاري اولمدي . اورجه العالمين مسجده سيله توحيد اشارت ايدرك ، نشانه عبديت اولمق اوزره سجده تضرعه قبانهرق زينت بخش عالم شهود اولدي . حياتك ايلك كونندن بري بت پرستلكن نفرت ايدرددي . طفوليت اولاسنده بيله